



ҮНДЭСНИЙ АУДИТЫН ГАЗАР

15160 Улаанбаатар хот, Чингэлтэй дүүрэг
Бага тойруу-3, Засгийн газрын IV байр
Утас: 26-04-37, Факс: 51-26-42-30
E-mail: info@audit.gov.mn

ЗӨВЛӨХИЙН ҮЙЛЧИЛГЭЭ ҮЗҮҮЛЭХ
ХҮСЭЛТЭЙ ХУВЬ ХҮН/БАГ/,
ХУУЛИЙН ЭТГЭЭДЭД

2022.03.25 № 03/688

танай _____-ны № _____-т

Шинжээчээр хамтран ажиллах
урилга хүргүүлэх тухай

Үндэсний аудитын газар нь "Улс, орон нутгийн төсвийн 2021 оны хөрөнгө оруулалтын төлөвлөгөөний хэрэгжилт, үр дүн" сэдэвт аудитад "Барилгын салбарт мөрдөж буй норм, норматив, стандартад шинжилгээ хийж, өнөөгийн хэрэгцээ шаардлагыг хангаж байгаа эсэх, норм, нормативын сангийн бүрдүүлэлт, зарцуулалтын үр нөлөөг тодорхойлж, эрх зүйн орчныг боловсронгуй болгох чиглэлээр дүгнэлт гаргах" зорилгоор гэрээ байгуулан хамтран ажиллахаар төлөвлөж байгаа тул зөвлөхийн үйлчилгээ үзүүлэх хүсэлтэй хувь хүн/баг/, хуулийн этгээдийг мэдээллээ ирүүлэхийг урьж байна.

Шинжээч нь УАГ-АД/22-004 дугаартай ажлын даалгаврын дагуу Монгол Улсад мөрдөж буй барилгын салбарын норм, норматив, стандарт, эрх зүйн орчинд дүн шинжилгээ хийж, барилгын материалын дотоодын үйлдвэрлэлийг дэмжих чиглэлээр авч хэрэгжүүлж буй арга хэмжээний үр дүн болон норм, нормативын сангийн бүрдүүлэлт, зарцуулалтыг зохион байгуулж буй байгууллагын үйл ажиллагааг хамруулан гэрээт ажлыг ажлын 40 хүртэл хоногийн хугацаанд хийж гүйцэтгэнэ. Үүнд:

1. Барилгын салбарт мөрдөж буй норм, норматив, стандартад шинжилгээ хийж, өнөөгийн хэрэгцээ шаардлагыг хангаж байгаа эсэх, шинэлэг технологи, материал ашиглах боломжтой эсэхэд дүгнэлт, зөвлөмж боловсруулах;
2. Барилгын норм, норматив, стандарттай холбоотой эрх зүйн орчныг боловсронгуй болгох чиглэлээр дүгнэлт гаргаж, зөвлөмж боловсруулах;
3. Дотоодын үйлдвэрлэлээс хангаж болох барилгын материалын нөөцийн талаар судалгаа, шинжилгээ хийж, дотоодод үйлдвэрлэсэн барилгын материалын ашиглалт, чанар байдалд дүгнэлт гаргаж, зөвлөмж боловсруулах;
4. Норм, нормативын сангийн бүрдүүлэлт, зарцуулалтын үр нөлөөг тодорхойлж дүгнэлт, зөвлөмж боловсруулах.

Шинжээч нь ажлын даалгаварт дурдсан ажлыг чанарын өндөр түвшинд гүйцэтгэж, ажлын үр дүнг илтгэсэн шинжээчийн тайлан бичнэ.

Мэдээллээ ирүүлж буй шинжээч нь дээрх зөвлөх үйлчилгээг гүйцэтгэхээ илэрхийлсэн албан хүсэлт, мэргэжлийн үйл ажиллагаа эрхлэх зөвшөөрөл, санхүүгийн дэлгэрэнгүй санал ирүүлэхээс гадна дараах мэдээллийг ирүүлнэ.

Үүнд:

Хуулийн этгээд бол:

- Улсын бүртгэлийн гэрчилгээний хуулбар;
- Татварын өргүй тухай тодорхойлолт/;
- Нийгмийн даатгалын шимтгэлийн өргүй тодорхойлолт/;
- Шүүхийн төрөлжсөн архивын тодорхойлолт;
- Гүйцэтгэсэн ижил төстэй зөвлөх үйлчилгээний мэдээлэл сүүлийн 3 жилээр
/2019, 2020, 2021 он/;
- Ажилтны анкет, боловсрол, мэргэшлийн гэрчилгээний хуулбар;
- Ажилтны нийгмийн даатгалын цахим лавлагаа /сүүлийн 1 жилээр/;
- Сүүлийн 2 жилийн санхүүгийн тайлан аудитын дүгнэлтийн хамт
/2020, 2021
оны жилийн эцсийн/.

Хувь хүн/баг бол:

- Иргэний үнэмлэхийн хуулбар;
- Анкет /CV/;
- Боловсрол, мэргэшлийн гэрчилгээний хуулбар;
- Гүйцэтгэсэн ижил төстэй зөвлөх үйлчилгээний мэдээлэл
/сүүлийн 3 жилээр/;
- Багийн хувьд гишүүдийн хамтран ажиллах гэрээ
/нотариатаар баталгаажуулсан/.

Шинжээч нь Монгол Улсын Төсвийн тухай хуулийн хүрээнд хэрэгжиж байгаа төсөл, арга хэмжээ, барилга, байгууламжийн ТЭЗҮ, зураг төсөл, төсөв боловсруулах, магадлал хийх, дүгнэлт гаргах чиглэлээр ажиллаж байсан, төсвийн хөрөнгө оруулалтын үр ашиг, эдийн засгийн үр өгөөжийг тооцох, барилгын салбарын норм, нормативыг боловсруулах, үнэлэх чиглэлээр судалгаа, шинжилгээ хийж байсан, тухайн салбарт ажиллаж байгаа болон ажлын дадлага, туршлагатай хувь хүн/баг/, хуулийн этгээд байна.

Шинжээч нь аудитын явцад олж авсан болон мэдсэн төр, байгууллага, хувь хүний нууцад хамаарах мэдээллийн нууцлалыг хадгалах ба гэрээгээр тохиролцсон ажилд оролцож дүгнэлт гаргах үйлчилгээ үзүүлэхдээ мэргэжлийн болон ёс зүйн өндөр түвшинд шударгаар ажиллаж, төрийн аудитын байгууллагын ажилтны ёс зүйн дүрмийг нэгэн адил даган мөрдөж ажиллана.

Шинжээчийн ажлын хүрээнд мэргэшсэн, тухайн салбарт ажиллаж ирсэн ажлын дадлага, туршлагатай, зөвлөх үйлчилгээ үзүүлэх иргэн, хуулийн этгээд /түншлэлээр оролцох/-тэй хамтран ажиллах бөгөөд зөвлөх үйлчилгээг багаар үзүүлэх ба багт дараах шаардлагын хангасан байвал зохино. Үүнд:

- Багийн ахлагч нь барилгын инженер, Монгол Улсын зөвлөх инженер, тэргүүлэх төсөвчин, магистр буюу түүнээс дээш зэрэгтэй, мэргэжлээрээ 15 ба түүнээс дээш жилийн ажлын туршлагатай байх;
 - Багийн гишүүд нь мэргэшсэн инженер, бакалавр буюу түүнээс дээш зэрэгтэй, 5 ба түүнээс дээш жил ажилласан ажлын туршлагатай байх;
 - Судалгаа шинжилгээний болон шинжээчийн ажлын туршлагатай байх.
- Чадварыг нэмэгдүүлж сайжруулах зорилгоор зөвлөхүүд түншлэлийн хэлбэрээр

оролцож болох ба түншлэлийн гэрээ байгуулан баталгаажуулж ирүүлэх шаардлагатай.

Сонирхсон этгээд нь холбогдох мэдээллийг 2022 оны 03 дугаар сарын 30-ны өдрийн 17 цаг 00 минутаас өмнө авч болох бөгөөд мэдээллээ 2022 оны 03 дугаар сарын 30-ны өдрийн 17 цаг 30 минутын дотор дараах цахим хаягаар [/tsend-ayushn@audit.gov.mn](mailto:tsend-ayushn@audit.gov.mn), info@audit.gov.mn/ pdf файл хэлбэрээр ирүүлнэ үү. Хариуцсан ажилтан: Үндэсний аудитын газрын Санхүү, хөрөнгө оруулалтын хэлтсийн Худалдан авах үйл ажиллагаа хариуцсан шинжээч Н.Цэнд-Аюуш. Гар утас: 88051068

Захиалагчийн хаяг: 15160 Улаанбаатар хот, Чингэлтэй дүүрэг, Бага тойруу-3, Засгийн газрын IV байр, 409 тоот өрөө. Үндэсний Аудитын газар, Утас: 26 35 33.
www.audit.mn.